


# 中唐詩集

李商隱 首



|     |   |   |
|-----|---|---|
| 漢書門 |   |   |
| 一   | 三 | 九 |
| 二   | 八 | 〇 |
| 冊   | 架 | 函 |
| 冊   | 架 | 號 |

|      |   |   |
|------|---|---|
| 內閣文庫 |   |   |
| 三    | 三 | 漢 |
| 九    | 八 | 書 |
| 函    | 〇 | 類 |
| 二    | 九 |   |
| 〇    | 冊 |   |
| 架    | 號 |   |

|      |           |      |
|------|-----------|------|
| 內閣文庫 |           |      |
| 番號   | 漢         | 3809 |
| 冊數   | 12 ( 11 ) |      |
| 函號   | 319       | 142  |



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TMI: Kodak



唐李義山詩集目錄

五言古

戊辰會靜中出貽同

和鄭愚贈汝陽

驕兒詩

行次西郊

井泥

戲題樞言草閣

李肱所遺畫松詩書

宮中曲

代越公房妓嘲





代貴公主

房中曲

效長吉

無題二首

春風



李集目  
卷十一  
七言古

韓碑

七月二十八日夜

代贈

贈荷花

無愁果有愁曲

射魚曲

日高

海上謠

景陽宮井雙桐

燕臺四首

河內二首

偶成轉韻七十二句

燒香曲

安平公詩

五言律

石城

風雨

離思

寄羅劭興

令狐舍人

崔處士

自喜

異俗二首

歸墅

楚澤

蟬

江亭散席循柳路吟

哭劉司戶二首

街西池館

鄴杜馬上念漢書

柳

聞著明凶哭寄飛卿

桂林

李集  
卷十一  
陳後宮

屬疾

明日

西溪

贈柳

謹柳

北禽

槿花二首

蝶

蠅蝶雞麝鸞鳳成篇

韓翃舍人即事

公子

子初全溪作

楊本勝說於長安

無題

越鷺二首

少將

桂林路中作

無題

蝶三首

落花

月

贈宗魯邛竹杖

垂柳

李花

壬申七夕

雨

菊

北樓

擬沈下賢

蝶

牡丹

曉坐

扶風界見梅花

判春

荷花

曉起

清河

壽安公主出降

明禪師院酬從兄

寄裴衡

即日

淮陽路

晚晴

迎寄韓魯州詹同年

風

洞庭魚

喜舍弟義叟及第

哀箏

南山北歸經分水嶺

深樹見一顆櫻桃

小桃園

和張秀才落花有感

昭肅皇帝挽歌辭

齊梁晴雲

效徐陵體贈更衣

又效江南曲

所居

高松

訪秋

昭郡

哭劉司戶蕢

裴明府居止

陸發荆南始至商洛

陳後宮

樂遊

贈子直花下

小園獨酌

思歸

獻寄舊府開封公

向晚

春游

離席

祿諧

細雨

商於新開路

題鄭大有隱居

夜飲

江上

涼思

鸞鳳

因書

奉寄安國太師

閒遊

題李上暮壁

江村題壁

即日

秋日晚思

春宵自遣

七夕偶題

幽居火暮

過姚孝子廬偶書

寒食行次冷泉駟

寄華嶽孫逸人

撰彭陽公誌

北青蘿

幽人

過故崔充海宅

故番禺侯以贓罪

詠雲

夜出西溪

九月於東逢雪

僧院牡丹

送豐都李尉

訪隱

寓興

歸來

子直晉昌李花

河清與趙氏昆季

寓目

登霍山驛樓

寄和水部

中

思賢頓

有懷在蒙飛卿

春深脫衣

懷求古翁

五月六日夜

城上

如有

朱權花二首

晉昌晚歸馬上贈

清夜怨

五言排律

贈送前劉五經

哭遂州蕭侍郎

送千牛李將軍

詠懷寄秘閣

憶雪

殘雪

太鹵平後移家

送從翁從東川

今月二日不自量度

述德抒情

夜思

寓懷

木蘭

細雨成詠

病中聞河東公

擬意

謝往桂林

送從翁東川

哭虔州楊侍郎

寄太原盧司空

垂柳

和孫朴韋蟾

商於

酬令狐郎中

碧瓦

西溪

玄微先生

武侯廟

謝先輩防記

別薛巖賓

腸

杏花

燈

獨居有懷

酬別令狐補闕

有感二首

崇讓宅東亭

即日

鏡檻

聖女祠

魏侯第東北樓堂郢叔言

靈仙閣晚眺寄鄆州常評事

賦得月照水池詩

永樂縣所居一草一木無非自栽

南潭上亭讌集

搖落

戲贈張書記

念遠

賦得桃李無言

喜雪

河陽詩



七言律

和常潘前輩七月十二日夜

錦瑟

重過聖女祠

題僧壁

潭州

贈劉司戶

南朝

送崔珣往西川

飲席戲贈

令狐八拾遺

寄令狐學士

哭劉蕡

荆門西下

少年

藥轉

杜工部蜀中離席

隋宮

二月二日

籌筆驛

即日

九成宮

詠史

無題二首

漢宮詞

無題四首

赴職梓潼留別畏之

王十二兄與畏之

曲池

留贈畏

無題

碧城三首

對雪二首

一蜂

辛未七夕

玉山

牡丹

一片

酬崔八早梅

馬嵬二首

可歎

富平少侯

聖女祠

臨發崇讓宅紫薇

及第東歸

野菊

過伊僕射舊宅

銀河吹笙

與同年李定

聞歌

贈華陽宋真人

楚宮二首

和友人戲贈二首

題二首後重有感贈

重有感

春雨

中元作

楚宮

宿晉昌亭聞鶯禽

深宮

鄭州獻從叔舍人襄

題白石蓮華

安定成樓

隋宮守歲

利州江潭作

茂陵

淚

十字水期韋潘侍御

流鶯

一出關宿盤豆館

和韓錄事

七月二十九日

贈從兄閻之

行至金牛驛

梓州罷吟寄同舍

無題二首

昨日

汴上送李郢之蘇州

贈鄭讜處士

復至裴明府所居

覽古

子初郊墅

漢南書事

當句有對

井絡

寫意

隨師東

宋玉

韓同年新居

奉和太原公

贈趙協律哲

正月崇讓宅

曲江

柳

九日

贈司勳杜十三

天平公座中

題道靖院

題小栢

行次昭應縣道上

水齋

奉同諸公題河中

過故府中武威公

贈田叟

贈別前蔚州

和人題真娘墓

人日即事

春日寄懷

和劉評事

和馬郎中

喜聞太原同院

無題

回中牡丹為雨所敗

五言絕句

悼傷後赴東蜀

樂遊

巴江柳

聽鼓

憶梅

柳下暗記

妓席

風

張惡子廟

百果嘲櫻桃

櫻桃荅

鞞

追代盧家人嘲堂內

天涯

早起

細雨

歌舞

房君珊瑚散

嘲櫻桃

自貶

蝶

夜意

李夫人三首

滯雨

微雨

一高花

嘲桃

餞席重送從叔余之

柳枝五首

七言絕句

霜月

人欲

華山題王母祠

華清宮

北齊二首

復京

渾河中

咸陽

同崔八詣藥山

夜雨寄北

石榴

初起

柳

宿駱氏亭

夢澤

贈歌妓二首

謝書

寄令狐郎中

漫成三首

無題

杜司勳

岳陽樓

寄成都高苗二從事

岳陽樓

屏風

春日

贈白道者

漢宮詞

隋宮

代應二首

席上作

訪隱者不遇

破鏡

無題

贈庾十二朱版

柳

三月十日流盃亭

過招國李家南園

為有

公子

賦得雞

明神

壬申閏秋題贈烏鵲

端居

夜半

飲席代官妓

代魏宮私贈

代元城吳令暗為答

詠史

日射

題鷺

華清宮

梓潼望長卿山

齊宮詞

青陵臺

東遷

蜀桐

漢宮

江東

讀任彥昇碑

五松驛

灞岸

送臻師二首

七夕

望喜驛別嘉陵江水

贈宇文中丞

閨情

月夕

代應

離亭賦得折楊柳

寄永道士

華州周大夫宴席

刑山

次陝州先寄源從事

過鄭廣文舊居

東下三句

莫愁

夢令狐學士

涉洛川

有感

宮妓

宮辭

代贈二首

楚吟

瑤池

柳

寄在朝鄭曹獨孤李

南朝

題漢祖廟

韓冬郎即席為詩

評事翁

東阿王

過景陵

板橋曉別

關門柳

彭城公薨後贈

夕陽樓

鴛鴦

妓席暗記送同年

武夷山

一片

寄成都高苗二從事

西南行却寄相送者

四皓廟

相思

送鄭大台文南觀

舊頓

代董秀才却扇

有感

驪山有感

別智玄禪師

贈孫綺新及第

代秘書贈弘文館

亂石

日日

過楚宮

龍池

即日

吳宮

嫦娥

殘花

天津西堂

西亭

憶住一師

昨夜

海客

初食笋呈座中

寄蜀客

海上

白雲夫舊居

同學彭道士參寥

到秋

華師

華岳下題西王母廟

過華清內廡門

樂遊原

丹丘

鳳



病中早訪招國

櫻桃花下

故驛迎吊

槿花

暮秋獨遊曲江

任弘農尉

贈勾芒神

月夜重寄宋華陽

訪人不遇

雨中長樂水館

池邊

賈生

送王十三校書分司

寄惱韓同年

謁

鈞天

失猿

戲題友人壁

假日

寄遠

王昭君

舊將軍

曼倩辭

李衛公

韋蟾

縣中惱飲席

漫成五章

戲題贈稷山驛

和韋潘前輩

花下醉

所居永樂縣

正月十五夜

偶題二首

月

夜冷

城外

外錄

一

謝靈運二首

民

張翥水樂錄

五月十五日

味草齋前單

芥子園

影刻王章

鴻殿觀舞山

章

細中斷燈

曼齋編

李

王

蕭

新日

香

唐李義山詩集卷十一

太學博士李商隱義山著

江左蘭岵朱之蕃校

五言古

戊辰會靜中出貽同志二十韻

大道諒無外會越自登真丹元子何索在已莫問  
鄰舊璨玉琳華翱翔九真君戲擲萬里火聊召六  
甲旬瑤簡被靈誥持府開七門金鈴攝群魔絳節  
何粦粦吟弄東海若倚笑扶桑春三山誠迴視九

李集 卷十一  
州揚一塵我本玄元曹稟華由上津中迷鬼道樂  
沉為下土民託質屬太陰鍊形復為人誓將覆官  
澤安此真與神龜山有慰薦南真為彌綸玉管會  
玄圃火棗承天姻科車過故氣侍香傳靈芬飄颻  
被青霓婀娜佩紫紋林洞何其微下僊不與羣丹  
泥因未控萬劫猶逡巡荆蕪既以薙丹壑永無湮  
相期保妙命騰景侍帝宸

和鄭愚贈汝陽王孫家匈奴二十韻

水霧怨何窮秦絲嬌未已寒空烟霞高白日一萬

里碧嶂愁不行濃翠遙相倚茜袖捧瓊姿皎日丹  
霞起孤猿耿幽寂西風吹白芷迴首蒼梧深女蘿  
閉山鬼荒郊白鱗斷別浦晴霞委長約壓河心白  
道連地尾秦人昔富貴綠窓聞妙旨鴻驚鴈背飛  
象牀殊故里因令五十絲中道分宮徵斗粟配新  
聲娣姪徒織指風流大堤上悵望白門裏蠹粉實  
雌絃燈光冷如水羗管促蠻柱從醉吳宮耳滿內  
不掃眉君王對西子初花慘朝露冷臂淒愁髓一  
曲送連錢遠別長於歿玉砌銜紅蘭粧窓結碧綺

九門十二關清晨禁桃李

驕兒詩

衮師我驕兒美秀乃無匹  
 文葆未周眸固已知六  
 七四歲知姓名眼不識梨栗  
 交朋頗窺觀謂是丹  
 穴物前朝尚器貌流品方第一  
 不然神仙姿不用  
 燕鶴骨安得此相謂欲慰衰  
 朽質青春妍和月朋  
 戲渾甥姪繞堂復穿林  
 沸石金鼎溢門有長者來  
 造次請先出客前問所須  
 含意不吐實歸來學客  
 面闖敗秉翁笏或誰張  
 飛胡或笑鄧艾吃豪鷹毛

崩化力劣良直猛馬氣估倮離直截得青篋于君

簪騎走恣唐突忽復學參軍  
 按聲喚蒼鶻又復紗  
 燈旁稽首禮夜佛仰鞭罨蛛網  
 俯首飲花蜜欲學  
 蛺蝶輕未謝柳絮疾階前  
 逢阿姊六甲頗輸失凝  
 走弄香奩拔脫金屈戌  
 抱持多反倒威怒不可律  
 曲躬牽窻網咯唾拭琴漆  
 有時看臨書挺立不動  
 膝古錦請裁衣玉軸亦欲乞  
 請爺書春勝春勝宜  
 春日芭蕉斜卷殘辛夷  
 低過筆爺昔好讀書懇苦  
 自著述顛顛欲四十無肉畏  
 蚤虱兒慎勿學爺讀

李集 卷十一  
書求甲乙穰苴司馬法張良黃石術便為帝王師  
不假更織悉况今西與北羗戎正狂悖誅赦兩未  
成將養如探疾兒當速成大痼雖入虎窟當為萬  
戶侯勿守一經裘

行次西郊作一百韻

蛇年建五月我自梁還秦南下大散嶺北濟渭之  
濱草木半舒圻不類冰霜晨又若夏苦熱焦卷無  
芳津高田長槲櫪下田長荆榛農具弃道旁饑牛  
死空墩依依過村落十室無一存存者皆面啼無

衣可迎賓始若畏人問及門還具陳右輔田疇薄  
斯民嘗苦貧伊昔稱樂土所賴牧伯仁官清若冰  
玉吏善如六親生兒不遠征生女事四隣濁酒盈  
瓦缶爛穀堆荆困健兒疵旁婦衰翁舐童孫况自  
貞觀後命官多儒臣例以賢牧伯徵入司陶鈞降  
及開元中姦邪撓經綸晉公忌此事多錄遺將勲  
因令猛毅輩雜牧昇平民中原遂多故除授非至  
尊或出倖臣輩或由帝戚恩中原困屠解奴隸厭  
肥豚皇子弃不乳椒房抱羞渾重賜竭中國強兵

臨北邊控弦二十萬長臂皆如猿皇都三千里來  
往同彫鷲五里一換馬十里一開筵指顧動白日  
煖熱迴蒼旻公卿辱嘲叱唾弃如糞九大朝會萬  
方天子正臨軒綵旂轉初旭玉座當祥烟金障既  
特設珠簾亦高褰將須褰不顧坐在御榻前忤者  
死艱履附之昇頂顛華侈矜遞衍豪俊相併吞因  
失生惠養漸見徵求頻奚寇西北來揮霍如天翻  
是時正忘戰重兵多在邊列城遠長河平明插旗  
幡但聞虜騎入不見漢兵屯大婦抱兒哭小婦攀

車轡生小太平年不識夜閉門少壯盡點行疲老  
守孤村生分作死誓揮淚連秋雲廷臣例虜怯諸  
將如羸奔為賊掃上陽捉人送潼關玉輦望南斗  
未知何日旋誠知開闢久邁此雲雷屯送者問鼎  
大存者要高官槍攘牙間謀孰辨臬與鸞千里無  
返轡萬車無還轅城空雀鼠死人去豺狼喧南資  
竭吳越西費失河源因令右藏庫摧毀惟空垣如  
人當一身有左無右邊筋體半痿痺肘腋生臊膻  
列聖蒙此耻含懷不能宣謀臣拱手立相戒無敢

先萬國困杼軸內庫無金錢健兒立霜雪腹歎衣  
裳單饋餉無過時高估銅與鉛山東望河北爨烟  
猶相聯朝廷不假給辛苦無半年行人擢行資居  
者稅屋椽中間遂作梗狼籍用戈鋌臨門送節制  
以錫通天斑破者以族滅存者尚遷延禮數異君  
父羈縻如羌零直求輸赤城所望大體全巍巍政  
事堂宰相厭八珍敢問下執事今誰掌其權瘡疽  
幾十載不敢扶其根國蹙賦更重人稀役彌繁近  
年牛醫兒城社更板緣盲目把大旆處此京西藩

樂禍忘怨敵樹黨多狂狷生為人所憚死非人所  
憐快刀斷其頭列若猪牛懸鳳翔三百里兵馬如  
黃巾夜半軍牒來屯兵萬五千鄉里駭供億老少  
相板牽兒孫生未孩棄之無慘顏不復議所適但  
欲死山間爾來又三歲甘澤不及春盜賊亭午起  
問誰多窮民節使殺亭吏捕之恐無因咫尺不相  
見旱久多黃塵官健腰佩弓自言為官巡常恐值  
荒迫此輩還射人媿客問本末願客無因循鄙塢  
抵陳倉此地忌黃昏我聽此言罷冤憤如相焚昔

聞舉一會群盜為之奔又聞理與亂繫人不繫天  
我願為此事君前剖心肝叩額出鮮血滂沱污紫  
宸九重黷已隔涕泗空沾唇使典作尚書廝養為  
將軍慎勿道此言此言未忍聞

井泥四十韻

皇都依仁里西北有高齋昨日主人氏治井堂西  
陞三人三五輦輦出土與泥到水不數尺積共庭  
樹齊他日井甃畢用土益作堤曲隨林掩映繚以  
池周廻下去冥冥穴上承雨露滋寄辭別地脉因

言謝泉壑昇騰不自意疇昔忽已乖伊余掉行鞅  
行行來自西一日下馬到此時芳草萋四面多好  
樹旦暮雲霞姿晚落花滿地幽鳥鳴何枝蘿幄既  
已薦山樽亦可開待得孤月上如與佳人來因之  
感物理惻愴平生懷茫茫此羣品不定輪與蹄喜  
得舜可禪不以瞽瞍疑禹竟代舜立其父吁咈哉  
羸氏并六合所來因不韋漢祖把左契自言一布  
衣當途佩國璽本乃黃門携長戟亂中原何妨起  
戎氏不獨帝王耳臣下亦如斯伊尹佐興王不藉



漢父資礮溪老釣叟坐為周之師屠狗與販繒突  
起定傾危長沙啟封土豈是出程姬帝問主人翁  
有自賣珠兒武昌昔男子老苦為人妻蜀王有遺  
魄今在林中啼淮南雞舐藥翻向雲中飛大釣運  
群有難以一理推願於冥冥內為問秉耜者誰我恐  
更萬世此事愈云為猛虎與雙翅更以角副之鳳  
凰不五色聯翼上鷄栖我欲秉釣者竭來與我偕  
浮雲不相顧寥沉誰為梯悒悒夜叅半但歌井中  
泥

戲題樞言草閣三十二韻

君家在河北我家在山西百歲本無業陰陰仙李  
枝尚書文與武戰罷幕府開君從渭南至我自仙  
游來平昔苦南北動成雲雨乖逮及兩携手對若  
床下鞋夜歸碣石館朝上黃金臺我有苦寒調君  
抱陽春少年顏各少壯髮綠齒尚齊我雖不能飲  
君時醉如泥政靜籌畫簡邊食多相携掃掠走馬路  
整頓射雉翳春風二三月柳密鶯正啼清河在門  
外上與浮雲齊欹冠調玉琴彈作松風哀又彈明

君怨一去怨不迴感激卧者泣起視雁行低翻憂  
龍山雷却雜胡沙飛仲容銅琵琶項直聲淒淒上  
貼金捍撥盡為承露雞君時卧棖觸勸客白玉杯  
苦云年光疾不飲將安歸我賞此言是因循未能  
諧君言中聖人坐卧莫我違榆莢亂不整楊花飛  
相隨上有白日照下有東風吹青樓有美人顏色  
如玫瑰歌聲入青雲所痛無良媒少年苦不久顧  
慕良難哉徒令真珠脰衰入珊瑚腮君今且少安  
聽我苦吟詩古詩何人作老大猶傷悲

李肱所遺畫松詩書兩紙得四十韻

萬草已涼露開圖披古松青山徧蒼海此樹生何  
峯孤根邈無倚直立撐鴻濛端如君子身挺如壯  
士曾膠枝勢夭矯忽欲蟠峯空又如驚螭走默與  
奔雲逢孫枝擢細葉旖旎孤表茸鄒顛蓍髮軟麗  
姬眉黛濃視久眩目睛倏忽變輝容竦削正稠直  
婀娜旋敷峯又如洞房冷翠被張穹籠亦若暨蘿  
女平旦粧顏容細疑襲氣母猛若爭神功燕雀固  
寂寂霧露常衝衝重蘭媿傷暮碧竹慙空中可集

呈瑞鳳堪藏行雨龍淮山桂偃蹇蜀郡桑重童枝  
修亮杪脆靈氣何由同昔聞咸陽帝近說嵇山儂  
或著佳人號或以大夫封終南與青都烟雨遙相  
通安知夜夜意不起西南風美人昔清興重之由  
月鍾寶笥十八九香緹千萬重一旦鬼瞰室稠疊  
張繡量赤羽中要害是非皆忽忽生如碧海月死  
踐霜郊逢平生握中玩散失隨奴僮我聞照妖鏡  
及與神劍鋒寓身會有地不為凡物蒙伊人秉茲  
圖顧眄擇所從而我何為者開懷捧靈蹤報以漆

鳴琴懸之真珠櫛是時方暑夏座內若嚴冬憶昔  
謝四騎學仙王陽東千株盡若此路入瓊瑤宮口  
詠玄山歌手把金芙蓉濃藹深霓袖色映琅玕中  
悲哉墮世網去之若遺弓形魄天壇上海日高曠  
曠終期紫鸞歸持寄扶桑翁

宮中曲

雲母灑宮月夜夜白於水賺得羊東來低扇遮黃  
子水精不覺冷自刺鴛鴦翅蚕縷茜香濃正朝纏  
左臂巴牋兩三幅滿寫承恩字欲得識青天昨夜

蒼龍是

代越公房妓嘲徐公主

笑啼俱不敢幾欲是吞聲遽遣離琴怨都由半鏡  
明應防啼與笑微露淺深情

代貴公主

芳條得意紅飄落忽西東分逐東風去風迴得故  
叢明朝金井露始看憶春風

房中曲

薔薇泣幽素翠帶花錢小嬌郎癡苦雲抱日西簾

曉枕是龍宮石割得秋波色玉簟失柔膚但見蒙  
羅碧憶得前年春未語悲含辛歸來已不見錦瑟  
長於人今日澗底松明日山頭葉愁到天池翻相  
看不相識

效長吉

長長漢殿眉窄窄楚宮衣鏡好鸞空舞簾踈燕誤  
飛君王不可問昨夜約黃歸

無題二首

八歲偷照鏡長眉已能畫十歲去踏青芙蓉作裙

袂十二學彈箏銀甲不曾卸十四歲六親懸知猶  
未嫁十五泣春風背面一作鞦韆下

幽人不倦賞秋暑貴招邀竹碧轉悵望池清尤寂  
寥露花終裊濕風蝶強嬌嬌此地如攜手兼君不

自聊

春風

春風須有意春物太昌昌若教春有意唯遣一枝  
芳我意殊一作如春意先春已斷腸

七言古

韓碑

元和天子神武姿彼何人哉軒與義誓將上雲列  
聖趾坐法宮中朝四夷淮西有賊五十載封狼生  
貍貍生羆不據山河據平地長戈利矛日可麾帝  
得聖相相曰度晏子春秋仲尼聖相賊斫不死神扶持腰懸  
相印作都統陰風慘淡天王旗愬武古通作牙爪  
儀曹外郎載筆隨行軍司馬智且勇十四萬衆猶  
虎貔入蔡縛賊獻太廟功無與讓恩不訾帝曰汝  
度功第一汝從事愈宜為辭愈拜稽首蹈且舞金

石刻畫臣能為古者世稱大手筆此事不繫於職  
司當仁自古有不讓言訖屢領天子願公退齋戒  
生小閤濡染大筆何淋漓點竄堯典舜典字塗改  
清廟生民詩文成破體書在紙清晨再拜鋪丹墀  
表曰臣愈昧死上詠神聖功書之碑碑高三丈字  
如手負以靈鼈蟠以螭句奇語重喻者少讒之天  
子言其私長繩百尺拽碑倒麓沙未石相磨治公  
之斯文若元氣先時已入人肝脾湯盤孔鼎有述  
作今無其器存其辭嗚呼聖皇及聖相相與烜赫

流淳熙公之斯文不示後曷與三五相攀追願書  
萬本誦萬過口角流沫右手舐傳之七十有三代  
以為封禪玉檢明堂基

七月二十八日夜與王鄭二秀才聽雨後夢

作

初夢龍宮寶燭燃瑞霞明麗滿晴天旋成醉倚蓬  
萊樹有箇仙人拍我肩少頃遠聞吹細管聞聲不  
見隔飛烟逡巡又過瀟湘雨雨打湘靈五十絃瞥  
見馮夷殊悵望鮫鮓休賣海為田亦逢毛女無膠

極龍伯擎將華岳蓮恍惚無疑明又暗低迷不已  
斷還連覺來正是平階雨未背寒燈枕手眠

代贈

楊柳路盡處芙蓉湖上頭雖同錦步障獨應細篁  
篔簹鴛鴦可羨頭俱白飛去飛來煙雨秋

贈荷花

世間花葉不相倫花入金盆葉作塵惟有綠荷紅  
菡萏卷舒開合任天真此花此葉長相映翠減紅  
衰愁殺人

無愁泉有愁曲北齊歌

東有青龍西白虎中含福星包世度玉壺涓水笑  
清潭鑿天不到牽牛處麒麟踏雲天馬停牛山撼  
碎珊瑚聲秋娥點滴不成淚十二玉樓無故釘推  
烟唾月拋千里十番紅桐一行死白楊別屋鬼迷  
人空畱暗記如蚕紙日暮向風牽短絲血凝血散  
今誰是

射魚曲

思牢弩箭磨清石繡額蠻渠三虎力尋潮背日俟

泅鱗貝闕夜移鯨失色纖纖粉斲馨香餌綠鴨迴  
塘養龍水含冰漢語遠於天何由迴作金盤死

日高

鍍環故錦縻輕拖

一作施

玉笈不動便門鎖水精眠

夢是何人攔藥日高紅髮鬣飛香上雲春誚天雲  
梯十二門九關輕身滅影何可望粉蛾帖死屏風  
上

海上謠

桂水寒於江玉兔秋冷咽海底覓仙人香桃如瘦

骨紫鸞不肯舞滿翅蓬山雪借得龍堂寬曉出樑  
雲髮劉郎舊香炷立見茂陵樹雲孫帖帖卧秋烟  
上元細字如蚕眠

景陽宮井雙樹

秋港菱花乾玉盤明月蝕血滲兩枯心情多去未  
得徒經白門伴不見丹山客未待刻作人愁多有  
魂魄誰將玉盤與不死翻相誤天更濶於江孫枝  
覓郎主昔妬隣宮槐道類雙眉斂今日繁紅櫻拋  
人占長簾翠襦不禁綻留淚啼天眼寒灰却盡問



方知石羊不去誰相絆

燕臺詩四首

風光冉冉東西陌幾日嬌魂尋不得  
蜜房羽客類芳心冶葉倡條徧相識  
暖藹輝暉遲桃樹西高鬟立共桃鬟  
齊雄龍雌鳳杳何許絮亂絲繁天亦迷  
醉起微陽若初曙映簾夢斷聞殘語  
愁將鐵網罾珊瑚海濶天翻迷處所  
衣帶無情有寬窄春烟自碧秋霜白  
研丹擘石天不知願得天牢鑊寃魄夾羅  
委篋單綃起香眠冷襯瑩瑩佩今日東風自不勝

化作幽光入西海

右春

前閣雨簾愁不卷後堂芳樹陰陰見  
石城景物類黃泉夜半行郎空拓彈綾扇  
喚風閭闔天輕帷翠幕波淵旋蜀魄寂寞有伴未幾夜  
燿花開木繇桂宮流影光難取  
媯薰蘭破輕輕語直教銀漢墮懷中未遣星妃鎮來去  
濁水清波何異源濟河水清黃河渾安得薄霧起  
緗裙手接雲駟呼太君

右夏

月浪衡天天雨濕涼蟾落盡踈星入雲屏不動掩

孤嘖西樓一夜風  
 箏急欲織相思  
 花寄遠終日相思却相怨  
 但聞北斗聲迴環  
 不見長河水清淺  
 金魚鑿斷紅桂春  
 古時塵滿鴛鴦茵  
 堪悲小苑作長道  
 玉樹未憐亡國人  
 瑤琴惜惜歲楚弄  
 越羅冷薄金泥重  
 簾鈎鸚鵡夜驚霜  
 喚起南雲繞雲夢  
 雙瑤丁丁聯尺素  
 內記湘川相識處  
 歌唇一世銜雨看  
 可惜馨香手中故

右秋

天東日出天西下  
 雌鳳孤飛女龍寡  
 青溪白石不相望  
 堂中遠甚蒼梧野  
 凍壁霜華交隱起  
 芳根中斷香心死  
 浪乘盡舸憶蟾蜍  
 月娥未必嬋娟子  
 楚管蠻絃愁一縵  
 空城罷舞腰支在  
 富時歡向掌中銷  
 桃葉桃根雙姊妹  
 破鬟矮墮凌朝寒  
 白玉燕釵黃金蟬  
 風車雨馬不持去  
 蠟燭啼明怨天曙

右冬

河內詩二首

鼉鼓沉沉虬水烟  
 秦絲不上蠻絃絕  
 姮娥衣薄不禁寒  
 蟾蜍夜艷秋河月  
 碧城冷落空濛烟  
 簾輕幕重金鈎  
 欄靈香不下兩皇子  
 孤星直上相風竿  
 八

桂林邊九芝草短襟小鬢相逢道八門暗數一千  
春願去閨年留小月梳子交加香蓼繁停辛佇苦  
留待君  
右一曲樓上

閨門日下吳歌遠陂路綠菱香滿滿後溪暗起鯉  
魚風船旗閃斷芙蓉幹傾身奉君畏身輕雙撓兩  
漿樽酒清莫因風雨罷團扇此曲斷腸惟此聲低  
樓小徑城南道猶自金鞍對芳草  
右一曲湖中

偶成轉韻七十二句贈四同舍

沛國東風吹大澤蒲青柳碧春一色我來不見隆

準人瀝酒空餘廟中客征東同舍駕與鸞酒酣勸  
我懸征鞍藍山寶肆不可入玉中仍是青琅玕武  
威將軍使中俠少年箭道驚揚葉戰功高後數文  
章怜我秋齋夢蝴蝶詰旦元門傳奏章高車大馬  
來煌煌路逢鄒枚不暇揖臘月大雪過大梁憶昔  
公為會昌宰我時入謁虛懷待衆中賞我賦高堂  
迴看屈宋由年輩公事武皇為鐵冠歷聽請我相  
所難我時顛顛在書閣卧枕芸香春夜闌明年赴  
辟下昭桂東郊慟哭辭兄弟韓公堆上跋馬時迴

望秦川樹如薺依稀南指陽臺雲鯉魚食釣猿失  
群湘妃廟下已春盡虞帝城前初日曛謝游橋上  
澄江館下望山城如一彈鷓鴣聲苦曉驚眠朱槿  
花嬌晚相伴頊之失職辭南風破帆壞漿荆江中  
斬蛟破壁不無意平生自許非忽忽歸來寂寞靈  
臺下著破藍衫出無馬天官補吏府中趨玉骨瘦  
來無一把手封桎牢屯制囚直廳印鎖黃昏愁平  
明赤帖使脩表上賀嫫姚收賊州舊山萬仞青霞  
外望見扶桑出東海愛君憂國去未能白道青松

了然在此時聞有燕昭臺挺身東望心眼開且吟  
王粲從軍樂不賦淵明歸去來彭門十萬皆雄勇  
首戴公恩若山重廷評日下握靈蛇書記眠時吞  
絲鳳之子夫君鄭與裴何甥謝舅當世才青袍白  
簡風流極碧沼紅蓮傾倒開我生麤疎不足數梁  
父哀吟鴈鶴舞橫行濶視倚公憐狂來筆力如牛  
弩借酒祝公千萬年吾徒禮分常周旋收旗卧鼓  
相天子相門出相光青史

燒香曲

李集 卷十一 十一  
鈿雲蟠蟠牙比魚孔雀翅尾蛟龍鬚漳宮舊樣博  
山鑪楚嬌捧笑開芙蓉八蚕繭縣小分炷獸燄微  
紅隔雲母白天月澤寒未平金虎含秋向東吐玉  
珮呵光銅照昏簾波日暮衝斜門西來欲上茂陵  
樹栢梁已失裁一作我桃魂露庭月井大紅氣輕衫  
薄袖當君意蜀殿瓊人伴夜深金鑿不問殘燈事  
何當巧吹君懷度襟灰為土填清露

安平公詩

故贈尚書韓氏

丈人博陵王名家怜我總角稱才華華州留語曉

至暮高聲喝吏放兩衙明朝騎馬出城外送我習  
業南山阿仲子延岳年十六面如白玉歌烏紗其  
弟炳章猶兩非瑤林瓊樹含奇花陳留阮家諸姓  
秀邈迤出拜何駢羅府中從事杜與李麟角虎翅  
相過摩清詞孤韻有歌響擊觸鍾磬鳴環珂三月  
石堤凍銷釋東風開花滿陽坡時禽得伴戲新木  
其聲尖咽如鳴梭公時載酒領從事躡躍鞍馬來  
相過仰看樓殿撮清漢坐視世界如恒沙面熱脚  
掉互登陟青雲表柱白雲崖一百八句在貝葉三

十三天長兩花長者子來輒獻蓋碎支佛去空留  
 驊公時受詔鎮東魯遣我草詔隨車牙顧我下筆  
 即千字疑我讀書傾五車嗚呼大賢苦不壽時世  
 方士無靈砂五月至止六月病遽頽泰山驚逝波  
 明年徒步吊京國宅破子毀哀如何西風衝戶卷  
 素帳隙光斜照舊燕窠古人常歎知己少况我淪  
 賤艱虞多如公之德世一二豈得無淚如黃河瀝  
 膽况願天有眼君子之澤方滂沱

五言古

石城

石城誇窈窕花縣更風流  
去聲簾冰將飄枕簾烘不  
 隱鉤玉童收夜鑰金狄守更籌  
 共笑鴛鴦綺鴛鴦  
 兩白頭

風雨

淒涼寶劍篇羈泊欲窮年  
 黃葉仍風雨青樓自管絃  
 新知遭薄俗舊好隔良緣  
 心斷新豐酒銷愁斗  
 幾千

離思

氣盡前溪舞心酸子夜歌峽雲尋不得溝水欲如  
何朔鴈傳書絕湘篁染淚多無由一作見顏色還  
自託微波

寄羅劭興

棠棣黃花發忘憂碧葉齊人間微病酒鷺重遠嘆  
泥混沌何由鑿青冥未有梯高陽舊徒侶時復一  
相携

令狐舍人說昨夜西掖翫月因戲贈

昨夜玉輪門傳聞近太清涼波衝碧瓦曉暈落金

莖露索秦宮井風絃漢殿筆幾時絲竹頌擬薦子  
虛名

崔處士

真人塞其內夫子入於機未肯投竿起唯歡負米  
歸雪中東郭履堂上老萊衣讀徧先賢傳如君事  
者稀

自喜

自喜蝸牛舍兼容鷺子巢綠筠遺粉籜紅藥綻香  
苞虎過遙知穿魚來且佐庖慢行成醕酌鄰壁有

李集  
卷十一  
十一  
松醪

異俗二首  
時從事嶺南

鬼惝朝朝避春寒夜夜添未驚雷破柱不報水齊  
簷虎箭侵膚毒魚鈎刺骨銛鳥言成謀詐多是恨  
彤襜

戶盡懸秦網家多事越巫未曾容懶祭只是縱  
都點對連鰲餌搜求縛虎符賈生兼事鬼不信有  
洪爐

歸墅

行李踰南極旬時到舊鄉楚芝應徧紫鄧橘未全  
黃渠濁村春急旗高社酒香故山歸夢喜先入讀  
書堂

楚澤

夕陽歸路後霜野物聲乾集鳥翻漁艇殘紅拂馬  
鞍劉楨元抱病虞寄數辭官白袷經年卷西來又  
早寒

蟬

本以高難飽徒勞恨費聲五更踈欲斷一樹碧無



情薄宦梗猶泛故園蕪已平煩君最相警我亦舉  
家清

江亭散席循柳路吟歸官舍

春詠敢輕裁銜辭入半盃已遭江映柳更被雪巖  
梅寡和真徒爾殷憂動即來從詩得何報唯看二  
毛催

哭劉司戶二首

離居星歲易失望死生分酒甕凝餘挂書籤冷舊  
芸江風吹雁急山木帶蟬曛一叫千迴首天高不

為聞

有美扶皇運無誰薦直言已為秦逐客復作楚寃  
冤湓浦應分派荆江有會源併將添恨淚一灑問  
乾坤

街西池館

白閣他年別朱門此夜過疎簾畱月鬼珍篔接烟  
波太守三刀夢將軍一箭歌國租容客旅香熟玉  
山禾

鄂杜馬上念漢書

一云五陵懷古

世上蒼龍種人間武帝孫  
小來唯射獵興罷得乾  
坤渭水天開苑咸陽地  
獻原英靈殊未已丁傳  
漸華軒

柳

動春何限葉撼曉幾多  
枝解有相思否應無不  
舞時絮飛歲皓蝶帶弱  
露黃鸝傾國宜通體誰  
來獨賞眉

聞著明凶問哭寄飛卿

昔歎讒銷骨今傷淚滿  
膺空餘雙玉劍無復一  
壺

冰江勢翻銀礫

一作漢

天文露玉繩何因攜庾信同

去哭徐陵

桂林

城窄山將壓江寬地共  
浮東南通絕域西北有  
高樓神護青楓岸龍移  
白石湫殊鄉竟何禱簫  
鼓不

曾休

陳後宮

茂苑城如畫閭門瓦欲  
流還依水光殿更起月  
華樓侵夜鸞開鏡迎冬  
雉獻裘從臣皆半

一作伴

醉天

子正無愁

屬疾

許靖猶羈宦安仁復悼亡  
茲辰聊屬疾何日免殊  
方秋蝶無端麗寒花更不香  
多情真命薄容易即  
迴腸

明日

天上參旗過人間燭焰銷  
誰言整雙履便是隔三  
橋知處黃金鑠曾來碧綺寮  
凭欄明日意池濶雨  
蕭蕭

西溪

近郭西溪好誰堪共酒壺  
苦吟防柳憚多淚怯揚  
朱野鶴隨君子寒松揖大夫  
天涯長病意岑寂勝  
歡娛

贈柳

章臺從掩映郢路更參差  
見說風流極來當婀娜  
時橋迴行欲斷堤遠葉相隨  
忍放花如雪青樓撲  
酒旗

詭柳

李集 卷十一 十一  
已帶黃金縷仍飛白玉花長時須拂馬密處少截  
鴉眉細從他歛腰輕莫自斜玳梁誰道好偏擬映  
盧家

北禽

為戀巴江暖無辭庫霧蒸縱能朝杜宇可得值蒼  
膺石小虛填海蘆銛未破矰知來有乾鵲何不向  
彫陵

槿花二首

鶯體傷風力鷄香積露文殷鮮一相雜啼笑兩難

分月裏寧無娣雲中亦有君三清與僊島何事亦  
離群

珠館薰燃久玉房梳掃餘燒蘭才作燭襞錦不成  
書本以亭亭遠翻嫌脉脉踈迴頭問殘照殘照更  
空虛

蝶

葉葉復翻翻斜橋對側門蘆花唯有白柳絮可能  
溫西子尋遺殿昭君覓故村年年芳物盡來別敗  
蘭蓀

蠅蝶鷄麝鸞鳳等成篇

韓蝶翻羅幕曹蠅拂綺窓  
閨雞迴玉勒融麝暖金  
缸玳瑁明書閣琉璃冰酒  
缸畫樓多有主鸞鳳各  
寶霞

韓翃舍人即事

萱草含丹粉荷花抱綠房  
鳥應悲蜀帝蟬是怨齊  
王通內藏珠府應官解玉  
坊橋南荀人過十里送  
衣香

公子

一盃新羅酒凌晨恐易銷  
歸應衝鼓去不待笙  
調歌好唯愁和香穠豈惜  
飄春塲鋪艾帳下馬雉  
媒嬌

子初全溪作

全溪不可到况復盡餘醅  
漢苑生春水昆池換却  
灰戰蒲知鴈唼皺月覺魚  
來清興恭聞命言詩未  
敢迴

楊本勝說於長安見小男阿衮

聞君來日下見我最嬌兒  
漸大啼應數長貧學恐

遲寄人龍種瘦失母鳳雛癡語罷休邊角青燈兩鬢絲

無題

近知名阿侯住處小江流腰細不勝舞眉長唯是愁黃金堪作屋何不作重樓

越驚二首

上國社方見此鄉秋不歸為矜皇后舞猶看羽人衣拂水斜紋亂銜花片影微盧家文杏好試近莫愁飛

將泥紅寥岸得草綠楊村命侶添新意安巢復舊痕去應逢阿母樂府詩東飛伯勞西飛燕黃姑阿母長相見來莫害皇孫記取丹山鳳今為百鳥尊

少將

族亞齊安陸風高漢武威烟波別墅醉花月後門歸青海聞傳箭天山報合圍一朝攜劍起上馬即如飛

桂林路中作

地暖無秋色江晴有暮暉空餘蟬嘒嘒猶向客依

依村小犬相護沙平僧獨歸欲成西北望又見鷓  
鴒飛

無題

照梁初有情出水舊知名裙衩芙蓉小釵茸翡翠  
輕錦長書鄭重眉細恨分明莫近彈碁局中心最  
不平

蝶三首

初來小苑中稍與瓊闌通遠恐芳塵斷輕憂艷雪  
融只知防浩露不覺逆尖風迴首雙飛燕乘時入

綺攏長眉畫了繡簾開碧玉行收白玉臺為問翠  
釵釵上鳳不知香頸為誰迴

壽陽公主嫁時粧八字宮眉捧額黃見我佯羞頻  
照影不知身屬冶遊郎

落花

高閣客竟去小園花亂飛參差連曲陌迢遞送斜  
暉腸斷未忍掃眼穿仍欲稀芳心向春盡所得是  
沾衣

月

池上與橋邊難忘復可憐  
簾開最明夜簟卷已涼  
天流處水花急吐時雲葉  
鮮姮娥無粉黛只是逞  
嬋娟

贈宗魯邛竹杖

大夏資輕策全溪贈所惡  
靜憐穿樹遠滑想過苔  
遲鶴怨朝還望僧聞暮有  
期風流真底事常欲傍  
清羸

垂柳

娉婷小苑中婀娜曲池東  
朝佩皆垂地仙衣盡帶

風七賢寧占竹三品且饒  
松腸斷靈和殿先皇玉  
座空

李花

李逕獨來數愁情相與懸  
自明無月夜強笑欲風  
天減粉與園籜分香沾渚  
連徐妃久已嫁猶自玉  
為鈿

壬申七夕

已駕七香車心七待曉霞  
風輕唯響珮日薄不媯  
花桂嫩傳香遠榆高送影  
斜成都過卜肆曾妬識



靈槎

雨

撼撼度瓜園依依傍竹軒秋池不自冷風葉共成  
宣窻迴有時見簷高相續翻侵宵送書雁應為稻  
梁恩

菊

暗暗淡淡紫融融冶冶黃陶令籬邊色羅含宅裏  
香幾時禁重露寔是怯殘陽願泛金鸚鵡昇君白  
玉堂

北樓

春物豈相干人生只強歡花猶曾歛夕酒竟不知  
寒異域東風濕中華上象寬此樓堪北望輕命倚  
危欄

擬沈下賢

千二百輕鸞春衫瘦看寬倚風行稍急含雲語應  
寒帶火遺金斗兼珠碎玉盤河陽看花過曾不問  
潘安

蝶

飛來繡戶陰穿過盡樓深重傳秦臺粉輕塗漢殿  
金相兼唯柳絮所得是花心可要凌孤客邀為子  
夜吟

牡丹

壓逕復緣溝當窓又映樓終笑一國破不啻萬金  
求鸞鳳戲三島神仙居十洲應憐萱草淡却得號  
忘憂

曉坐

一云  
後閣

後閣罷朝眠前墀思黯然梅應未假雪柳自不勝

烟淚續淺深綆腸危高下絃紅顏無定所得失在  
當年

十一月中旬至扶風界見梅花

匝路亭亭艷非時裊裊香素娥唯與月青女不饒  
霜贈遠虛盈手傷離遠斷腸為誰成早秀不待作  
年芳

判春

一桃復一李井上占年芳笑處如臨鏡窺時不隱  
墻敢言西子短誰覺宓妃長珠玉終相類同名作

夜光

荷花

都無色可並不奈此香何  
瑤席乘涼設金羈落晚  
過迴衾燈照綺渡襪水沾羅  
預想前秋別離居夢  
權歌

曉起

擬盃當曉起呵鏡可微寒  
隔箔山櫻熟褰帷桂燭  
殘晝長為報晚夢好更尋  
難影響輸雙蝶偏過舊  
晚蘭

清河

舟小迴仍數樓危凭亦頻  
鷺來從及社蝶舞太侵  
晨絳雪除煩後霜梅取味  
新年華無一事只是自  
傷春

壽安公主出降

媯水聞真媛常山索銳師  
昔憂迷帝力今分送王  
姬事等和強虜恩殊睦本  
枝四郊多壘在此禮恐  
無時

明禪師院酬從兄見寄

貞吝嫌茲世會心馳本源人非四禪縛地絕一塵  
喧霜露歌高木星河墮故園斯游儻為勝九折幸  
迴軒

寄裴衡

別地蕭條極如何更獨來秋應為紅葉雨不厭青  
苔沈約只能瘦潘仁豈是才離情堪底寄惟有冷  
於灰

即日

小苑試春衣高樓倚暮暉天桃唯是笑舞蝶不空

飛赤嶺久無耗鴻門猶合圍幾家綠錦字含淚坐  
鴛機

淮陽路

荒村倚廢營投宿旅蒐驚斷雁高仍急寒溪曉更  
清昔年嘗聚盜此日頗分兵猜貳誰先致三朝事  
始

晚晴

深居俯夾城春去夏猶清天意憐幽草人間重晚  
晴併添高閣迴微注小窓明越鳥巢乾後歸飛體

更輕

迎寄韓魯州詹同年

積雨晚騷騷相思正鬱陶不知人萬里時有鷺雙

高寇盜纏三輔

時興元賊起三川兵出

梅苔滑百牢聖朝推

衛霍歸日動仙曹

風

迥拂來鴻急斜催別鷺高已寒休慘淡更遠尚呼

號楚色分西塞夷音接下牢歸舟天外有一為戒

波濤

洞庭魚

洞庭魚可拾不假更垂罾開若雨前蟻多於秋後

蠅豈思鱗作輦仍計腹為燈浩蕩天池路翱翔欲

化鵬

喜舍弟義叟及第上禮部魏公

國以斯文重公仍內署來風標森太華星象逼中

台朝滿遷鸞侶門多吐鳳才寧同魯司寇唯鑄一

顏回

哀箏

延頸全同鶴柔腸素怯猿湘波無眼淚蜀魄有餘  
寬輕憶長無道哀箏不出門何由問香炷翠

暮自  
黃昏

自南山北歸經分水嶺

水急愁無地山深故有雲那通極目望又作斷腸  
分鄭驛來雖及燕臺哭不聞猶餘遺意在許刻鎮  
南勳

深樹見一顆櫻桃尚在

高桃留晚實尋得小庭南矮墜綠雲髻歎危紅玉  
纂惜堪克鳳實痛已被鳥含越鳥誇香荔齊名亦

未甘

小桃園

竟日小桃園休寒亦未暄坐鸞當酒重送客出墻  
繁啼久艷粉薄舞多香雪翻猶憐未圓月先出照  
黃昏

和張秀才落花有感

晴暖感餘芳紅苞雜絳房落時猶自舞掃後更聞  
香夢罷收羅薦仙歸勅玉箱迴腸九迴後猶有剩  
迴腸

昭肅皇帝挽歌辭三首

九縣懷雄武三靈仰睿文周王傳叔父漢后重神  
君玉律朝驚露金莖夜切雲笳笙淒欲斷無復詠

橫汾

玉塞驚宵柝金橋罷舉烽始巢阿閣鳳旋駕鼎湖  
龍門咽通神鼓樓凝警夜鐘小臣觀吉從猶誤欲

東封

莫驗昭華館虛傳甲帳神海迷求藥使雪隔獻桃  
人桂寢青雲斷松扉白露新萬方同象鳥舉動滿

秋塵

齊梁晴雲

緩逐烟波起如妬柳絲飄故臨飛閣度欲入迥陂  
銷縈歌憐畫扇敞景弄柔條更耐天南位牛渚宿

殘宵

効徐陵體贈更衣

密帳真珠絡溫幃翡翠裝楚腰知便寵宮眉正闢  
強結帶懸梳子繡領刺鴛鴦輕寒衣省夜金斗熨

沉香

又效江南曲

即船安兩漿儂舸動雙橈掃黛開宮額裁裙約楚  
腰垂期方積思臨醉欲拚嬌莫以採菱唱欲羨秦  
臺簫

所居

窓下尋書細溪邊坐石平水風醒酒病霜日曝衣  
輕鷄黍隨人設蒲魚得地生前賢不無謂容易即

遺名

高松

高松出衆木伴我向天涯客散初晴後僧來不語  
時有風傳雅韻無雪試幽姿上藥終相待他年訪  
伏龜

訪秋

酒薄吹還醒樓危望已窮江臯當落日帆席見歸  
風烟帶龍潭白霞分鳥道紅殷勤報秋意只是有  
丹楓

昭郡

桂水春猶早昭川日正西虎當官路闢猿上驛樓



李集 卷十一 卅九  
啼繩爛金沙井松乾乳洞梯鄉音吁可駭仍有醉  
如泥

哭劉司戶蕢

路有論冤謫言皆在中興空聞遷賈誼不待相孫  
弘江濶唯迴首天高但撫膺去年相送地春雲滿  
黃陵

裴明府居止

愛君茅屋下向晚水溶溶試墨書新竹張琴和古  
松坐來聞好鳥歸去度踈鍾明日還相見橋南賞

酒釀

陸發荆南始至商洛

昔去真無奈今還豈自知青辭木奴橘紫見地仙  
芝四海秋風濶千巖暮景遲向來憂際會猶有五  
湖期

陳後宮

玄武關新苑龍舟燕幸頻渚蓮叅法駕沙鳥犯鈞  
陳壽獻金莖露歌翻玉樹塵夜來江令醉別詔宿  
臨春

樂遊

春夢亂不記春原登已重青門弄烟柳紫閣舞雲  
松拂硯輕冰散開樽綠酒濃無悰託詩遣吟罷更  
無悰

贈子直花下

池光忽隱墻花氣亂侵房屏綠蝶留粉窓油蜂印  
黃官書推小吏侍史從清郎並馬更吟去尋思有  
底忙

小園獨酌

柳帶誰能結花房未肯開空餘雙蝶舞竟絕一人  
來半展龍鬚席輕斟馬瑙杯年年春不定虛信歲  
前梅

思歸

固有樓堪倚能無酒可傾嶺雲春沮洳江月夜晴  
明魚亂書何託猿哀夢易驚舊居連上苑時節正  
遷頭鳥

獻寄舊府開封公

幕府三年遠春秋一字褒書論秦逐客賦續楚離

騷地理南溟濶天文北極高  
酬恩撫身世未覺勝  
鴻毛

向晚

當風橫去憶臨水卷空帷  
壯去鞦韆罷南朝被襖  
歸花情羞脉脉柳意悵微微  
莫歎佳期晚佳期自古稀

春游

橋峻班駝疾川長白鳥高  
烟輕唯潤柳風濫欲吹  
挑徙倚三層閣摩挲七寶刀  
庾郎年最少青草妬

春袍

離席

出宿金樽掩從公玉帳新  
依依向餘照遠遠隔芳  
塵細草翻驚鴈殘花伴醉人  
楊朱不用勸只是更沾巾

俳諧

短顧何由遂遲光且莫驚  
鸞能歌子夜蝶解舞宮  
城柳訝眉傷淺桃猜粉太輕  
年華有情狀吾敢悵生平

李集 卷十一 四二  
細雨

瀟灑傍迴汀依微過短亭氣涼先動竹點細未開  
萍稍促高高鷺微踈的的螢故園烟草色仍近五  
門青

商於新開路

六百商於路崎嶇古共聞蜂房春欲暮虎穿日初  
曛路向泉間辨人從樹杪分更誰開捷徑速擬上  
青雲

題鄭大有隱居

結構何峯是喧閑此地分石梁高瀉月樵路細侵  
雲偃卧蛟螭室希夷鳥獸群近知西嶺上玉管有

時聞

君居近子  
晉憇鷓臺

夜飲

卜夜容衰鬢開筵屬異方燭分歌扇淚雨送酒船  
香江海三年客乾坤百戰場誰能辭醪酌淹卧劇  
清漳

江上

萬里風來地清江北望樓雲通梁苑路月帶楚城

秋刺字從漫滅歸途尚阻脩前程更烟水吾道豈  
淹留

涼思

客去波平檻蟬休露滿枝永懷當此際倚立自移  
時北斗兼春遠南陵寓使遲天涯占夢數疑誤有  
新知

鸞鳳

舊鏡鸞何處衰桐鳳不棲金錢饒孔雀錦段落山  
雞王子調清管天人降紫泥豈無雲路分相望不

應迷

因書

絕徼南通棧孤城北枕江猿聲連月檻鳥影落天  
窻海石分碁子郢筒當酒缸生歸話辛苦別夜對  
疑缸

奉寄安國大師兼簡子蒙

憶奉蓮花坐兼聞貝葉經巖光分壠屐澗響入銅  
鉞日下徒推鶴天涯正對螢魚山羨曹植眷屬有  
文星

閒遊

危亭題竹粉曲沼嗅荷花數日同攜酒平明不在  
家尋幽殊未極得句總堪誇強下西樓去西樓倚  
暮霞

題李上暮壁

舊著思玄賦新編雜擬詩江庭猶近別山舍得幽  
期嫩割周顛韭肥烹鮑照葵飽聞南燭酒仍及撥  
醅時

江村題壁

沙岸竹森森維舟聽越禽數家同老壽一逕自幽  
深喜客嘗畱橘應官說採金傾壺真得地愛日靜  
霜砧

即日

桂林聞舊說曾不異炎方宋考功有小山響匡床  
長安之句也語花飄度臘香幾時逢雁足着處斷猿腸獨撫青  
青桂臨城憶雪霜

秋日晚思

桐槿日零落雨餘方寂寥枕寒莊蝶去窓冷胤螢

銷取適琴將酒忘名牧與樵平生有游舊一一在  
烟霄

春宵自遣

地勝遺塵事身閒念歲華晚晴風過竹深夜月當  
花石亂知泉咽苔荒任徑斜陶然恃琴酒忘却在  
山家

七夕偶題

寶婺搖珠珮嫦娥照玉輪靈歸天上足巧遺世間  
人花果香千戶笙竽溢田隣明朝曬犢鼻方信阮

即貧

幽居久暮

羽翼摧殘日郊園寂寞時曉雞驚樹雪寒鷺守水  
池急景倏云暮頽年寢已衰如何匡國分不與夙  
心期

過姚孝子廬偶書

拱木臨周道荒廬積古苔魚因感姜出鶴為吊陶  
來兩鬢蓬常亂雙眸血不開聖朝敦爾類非獨路  
人哀

寒食行次冷泉驛

歸途仍近節，旅宿倍思家。獨夜三更月，空庭一樹花。介山當驛秀，汾水遶關斜。自怯春寒苦，那堪禁火賒。

寄華嶽孫逸人

靈嶽幾千仞，老松逾百尋。攀崖仍躡壁，嗽葉復眠陰。海上呼三島，齋中戲五禽。唯應逢阮籍，長嘯作鸞音。

撰彭陽公誌文畢有感

延陵留表墓，峴首送沉碑。敢伐不加點，猶當無媿辭。百生終莫報，九死諒難追。待得生全後，川原亦幾移。

北青蘿

殘陽西入崦，茅屋訪孤僧。落葉人何在，寒雲路幾層。獨敲初夜磬，閒倚一枝藤。世界微塵裏，吾寧愛與憎。

幽人

丹竈三年火，蒼崖萬歲藤。樵歸說逢虎，碁罷正留



僧星斗同秦分人烟接漢陵東流清渭苦不盡照  
衰興

過故崔充海宅與崔明秀才話舊因寄舊僚

杜趙李三椽

絳帳思如昨烏衣事莫尋諸生空會葬舊椽已華  
簪共入留賓驛俱分市駿金莫憑無鬼論終負託  
孤心

故番禺侯以贓罪致不辜事覺他日過其門  
飲鳩非君命茲身亦厚亡江陵從種橘交廣合投

香不見千金子空餘數仞墻教人須顯戮誰舉漢  
三章

詠雲

棒月三更斷藏星七夕明纔聞飄迥路旋見隔重  
城潭暮隨龍起河秋壓雁聲只因唯宋玉知是楚  
神名

夜出西溪

東府憂春盡西溪許日曛月澄新漲水星見欲銷  
雲柳好休傷別松高莫出群軍書雖倚馬猶未當

能文

九月於東逢雪

舉家忻共報秋雪墮前峯嶺外他年憶於東此日  
逢粒輕還自亂花薄未成重豈是驚離鬢應來洗  
病容

僧院牡丹

葉薄風才倚枝輕霧不勝開先如避客色淺為依  
僧粉壁正蕩水緜幃初卷燈傾城唯待笑要裂幾  
多繒

送豐都李尉

萬古商於地憑君泣路岐固難尋綺季可得信張  
儀兩氣燕先覺葉陰蟬遠知望鄉尤忌晚山晚更  
參差

訪隱

路到層峯斷門依老樹開月從平楚轉泉自上方  
來蘼白羅朝饌松黃暖夜杯相留笑孫綽空解賦  
天台

寓興

薄宦仍多病從知竟遠遊譚諧叨客禮休澣接冥  
搜樹好頻移榻雲竒不下樓豈關無景物自是有  
鄉愁

歸來

舊隱無何別歸來始更悲難尋白道士不見惠禪  
師草徑蟲鳴急沙渠水下遲却將波浪眼清曉對  
紅梨

子直晉昌李花

吳館何時熨秦臺幾夜薰綃輕誰解卷香異自先

聞月裏誰無姊雲中亦有君罇前見飄蕩愁極客  
襟分

河清與趙氏昆季讌集得擬杜工部

勝槩殊江右佳名逼渭川虹收青嶂雨鳥沒夕陽  
天客鬢行如此滄波坐眇然此中真得地漂蕩釣  
魚船

寓目

園桂懸心碧池蓮飫眼紅此生真遠客幾別即衰  
翁小幌風烟入高憲霧雨通新知他日好錦瑟傍

朱櫳

登霍山驛樓

廟列前峯迥樓開四望窮嶺巖嵐色外陂雁夕陽  
中弱柳千條露衰荷一面風壺關有狂孽速繼老  
生功

寄和水部馬郎中題興德驛時昭義已平

仙郎倦去心鄭驛暫登臨水色瀟湘濶沙程朔漠  
深鷁舟時往復鷗鳥恣浮沉更想逢歸馬悠悠岳  
樹陰

思賢頓

內殿張絃管中原絕鼓鞶舞成青海馬鬪殺汝南  
雞不見華胥夢空聞下蔡迷宸襟他日淚薄暮望  
賢西

有懷在蒙飛卿

薄宦頻移疾當年久索居哀同庾開府瘦極沈尚  
書城綠新陰遠江清返照虛所思惟翰墨從古待  
雙魚

春深脫衣

睥睨江鴉集堂皇海燕過城不憐蕙若展郭動烟  
波日烈憂花甚風長奈柳何陳遵容易學身世醉  
時多

懷求古翁

何時粉署仙傲兀逐戎旃關塞猶傳箭江湖莫繫  
船欲收棊子醉竟把釣車眠謝眺真堪憶多才不  
忌前

五月六日夜憶往歲秋與澈師同宿

紫閣相逢處丹巖議宿時墮蟬翻敗葉棲鳥定寒

枝萬里飄流遠三年問訊遲炎方憶初地頻夢碧  
琉璃

城上

有客虛投筆無寥獨上城沙禽失侶遠江樹着陰  
輕邊遽稽天討軍須竭地征賈生游亦極作賦又  
論兵

如有

如有瑤臺客相難復索歸芭蕉開綠扇菡萏薦紅  
衣浦外傳光遠烟中結響微良宵一寸艷回首是

重幃

朱槿花二首

蓮後紅何患梅先白莫誇纔飛建章火又落赤城  
霞不卷錦步鄣未登油壁車日西相對罷休澣向  
天涯

西北朝天路登臨思上才城閒煙草遍村暗雨雲  
回人豈無端別猿應有意哀征南予更遠吟斷望  
鄉臺

晉昌晚歸馬上贈

勇多侵路去恨有礙燈還嗅自微微白看成昏昏  
殷坐忘疑物外歸去有簾間君問傷春句千辭不  
可刪

清夜怨

含淚坐春宵聞君欲度遼綠野荷葉嫩紅砌杏花  
嬌曙月當窓滿征雲出塞遙畫樓終日閉清管為  
誰調

五言排律

贈送前劉五經映三十四韻

建國宜師古興邦屬上庠從來以儒戲安得振朝  
綱叔世何多難茲基遂已亡泣麟猶委吏歌鳳更  
佯狂屋壁餘無幾焚坑逮可傷挾書秦二世壞宅  
漢諸王草草臨盟誓區區務富強微茫金馬署狼  
籍鬪雞場盡欲心無竅皆如面正墻驚疑豹文鼠  
貪竊虎皮羊南渡宜終否西遷冀小康策非方正  
士貢絕孝廉郎海鳥悲鐘鼓徂公畏服裳多岐空  
擾擾幽室竟悵悵凝邈為時範虛空作士常何由  
羞五霸直自訾三皇別派驅楊墨他鑣並老莊詩

書資破冢法制困探囊周禮仍存魯隋師果禪唐  
鼎新麾一舉革故法三章星宿森文雅風雷起退  
藏縲囚為學切掌固受經忙夫子時之彥先生跡  
未荒褐衣終不召白首興難忘感激誅非聖棲遲  
到異糧片辭褒有德一字貶無良燕地尊鄒衍西  
河重卜商式問真道在擁篲信謙光外舅太原公亦受經於公也  
獲預青衿列叨來絳帳旁雖從各言志還要大  
為防勿謂孤寒棄深憂訐直妨叔孫讒易得盜跖  
暴難當雁下秦雲黑蟬休隴葉黃莫踰力復念容

許後昇堂

哭遂州蕭侍郎二十四韻

遙作時多難先令禍有源初驚逐客議旋駭黨人  
 冤密侍榮方八司刑望愈尊皆因優詔用實有諫  
 書存苦霧三辰沒窮陰四塞昏虎威狐更假隼擊  
 鳥踰喧徒欲心存闕終遭耳屬垣遺音和蜀鬼易  
 簣對巴猿有女悲初寡無男泣過門公止裴氏一  
 女結禱之明  
 年又喪  
 朝爭屈原草廟餒莫教冤迫閭傷神峻長  
 江極望翻青雲寧寄意白骨始露恩早歲思東閣

為邦屬故園

余初謁  
於鄭舍

登舟慚郭泰解榻愧陳蕃分

以忘年契情猶錫類敦公先真帝子我系本王孫

傲張高蓋從容接短轅秋吟小山桂春醉後堂

萱自歎離通籍何嘗忘叫閤不成穿壙入終擬上

書論多士還魚貫云誰正駿奔暫能誅倏忽長與

問乾坤蟻漏三泉路蟹啼百草根始知同泰講微

福是虛言

送千牛李將軍赴關五十韻

照席瓊枝秀當年紫綬榮班資古直閣勳伐舊西



京在昔王綱紊因誰國步清如無一戰霸安有大  
橫庚內豎依憑切凶門責望輕中台終惡直上將  
更要盟丹陛祥烟滅皇闈煞氣橫喧闐衆狙怒容  
易八蠻驚禱杌寬之久防風戮不行素來矜異類  
此去豈親征捨魯真非策居邠未有名曾無力牧  
御寧待兩師迎火箭侵乘石雲橋逼禁營何時絕  
刀斗不夜見攬槍屢亦聞投鼠誰其敢射鯨世情  
休念亂物議笑輕生大鹵思龍躍蒼梧失象耕靈  
衣沾媿汗儀馬困陰兵別館蘭薰酷深宮蠟焰明

黃山遮舞態黑水斷歌聲縱未移周鼎何辭免趙

坑空拳轉鬪地數板不沉城且欲憑神筭無因計

力爭幽囚蘇武節弃市仲由纓下殿言終驗增埤

事早萌

先時桑道茂請修奉天城

蒸雞殊減膳胷麴異和羹否

極時還泰屯餘運果亨流離幾南度倉卒得西平

神鬼收昏黑姦兇首

去聲

滿盈官非督護貴師以丈

人貞覆載還高下寒暄急改更馬前烹莽卓壇上

挹韓彭扈蹕三才正廻軍六合晴此時唯短劍仍

世盡雙旌顧我由群從逢君嘆老成慶流歸嫡長

李集 卷十一 五六  
貽厥在名卿隼擊須當要鵬搏莫問程趨朝排玉  
座出位泣金莖幸藉梁園賦叨蒙許氏評中郎推  
貴婿定遠重時英政已標三尚人今佇一鳴長刀  
懸月兔快馬駭星精披豁慙深眷睽離動素誠蕙  
留春腕晚松待歲崢嶸異縣期迴雁登時已餽鯖  
去程風刺刺別夜漏丁丁庾信生多感楊朱死有  
情絃危中婦瑟甲冷想夫箏會與秦樓鳳俱聽漢  
苑鷲洛川迷曲沼烟月兩心傾

詠懷寄秘閣舊僚二十六韻

年鬢日堪悲衡茅益自嗤攻文枯若木處世鈍如  
鎚敢忘垂堂誠寧將暗室欺懸頭曾苦學折臂反  
成醫僕御嫌夫孺孩童笑叔癡小男方嗜栗幼女  
漫憂葵遇炙誰先噉逢薤即便吹官銜同畫節面  
貌之凝脂典籍將蠹測文章若管窺圖形翻類狗  
入夢肯非羆自哂成書篋終當呪酒卮懶露襟上  
血羞鑷鏡中絲橐籥言方喻樗蒲齒詎知事神徒  
惕慮佞佛愧虛辭曲藝垂麟角浮名狀虎皮乘軒  
寧見寵巢幕更逢危禮俗拘嵇喜侯王忻戴逵途

窮方結舌靜勝但措頤糲食空彈劔亨衢詎置錐  
栢臺成口號芸閣暫肩隨悔逐遷鶯伴誰觀擇虱  
時甕間眠太率床下隱何卑奮跡登弘閣催心對  
董帷校讐如有暇松竹一相思

四年冬以退居蒲之永樂渴然有農夫望歲  
之志遂作憶雪又作殘雪詩各一百言以  
寄情于游舊

憶雪

愛景人方樂同雲候稍憊徒聞周雅什願誦朔風

篇欲俟千箱慶須資六出妍詠留飛絮後歌唱落  
梅前庭樹思瓊蓋粧樓認粉絲瑞邀盈尺日豐待  
兩岐年預約延枚酒虛乘訪戴船映書孤志業披  
髦阻神仙幾向霜堦步頻將月幌褰玉京應已足  
白屋但頽然

殘雪

旭日開晴色寒空失素塵遠墻全剝粉傍井漸銷  
銀刻獸權蓋虎為山倒玉人珠還猶照魏壁碎尚  
留秦落日驚侵晝餘光悞惜春簷冰滴鵝管屋瓦

鏤魚鱗嶺霽嵐光坼松暄翠粒新擁林愁拂盡着  
砌恐行頻焦寢忤無患梁園去有因莫能知帝力  
空此荷平均

太鹵平後移家到永樂縣居書懷十韻寄劉

韋二前輩二公嘗於此縣寄居

驅馬遶河干家山照露寒依然五柳在况值百花  
殘昔去驚投筆今來分桂冠不憂懸磬乏乍喜覆  
盂安甌破寧迴顧舟沉豈暇看脫身離虎口移疾  
就猪肝鬢入新年白顏無舊日丹自悲秋獲少誰

懼夏畦難逸志忘鴻鵠清香披蕙蘭還持一盃酒  
坐想二公懽

自桂林奉使江陵途中感懷寄獻尚書

下客依蓮幕明公念竹林

公與江陵相國韶叙叔姪

縱然膺使

命何以奉徽音投刺雖傷晚酬恩豈在今迎來新  
瑣闥從到碧瑤琴水勢初知海天文始識參固慙  
非賈誼唯恐後陳琳前席驚虛辱華樽許細斟尚  
憐秦瘁苦不遣楚醪沉既載從戎筆仍披選勝襟  
瀧通伏波柱簾對有虞琴宅與嚴城接門歲別岫

深閣涼松冉冉堂靜桂森森社內容周續鄉中保  
展禽白衣居士訪烏帽逸人尋佞佛將成傳耽書  
或類涇長懷五羖贖終著九州箴良訊封鴛綺餘  
光借玳簪張衡愁浩浩沈約瘦悵悵蘆白疑粘鬢  
楓丹欲照心歸期無雁報旅抱有猿侵短日安能  
駐低雲只有陰亂鴉衝暎網寒女簇遙碓東道遠  
寧久西園望不禁江山魂黯黯泉客淚泔泔逸翰  
應歲法高辭肯浪吟數須傳庾翼莫獨與盧諶假  
寐憑書簾哀吟扣劍鐔未嘗貪偃息那復議登臨

彼美迴清鏡其誰受曲針人皆向燕路無乃費黃金

送從翁從東川弘農尚書幕

大鎮初更帥嘉賓素見邀使車無遠近歸路更烟  
霄穩放驂騑步高安翡翠巢御風知有在去國肯  
無聊早忝諸孫末俱從小隱招心懸紫雲閣夢斷  
赤城標素女悲清瑟秦娥弄碧簫山連玄圃近水  
接絳河遙豈意聞周鐸翻然慕舜韶皆辭喬木去  
遠逐斷蓬飄薄俗誰其激斯民已甚恍鸞皇期一

舉燕雀不相饒敢共頽波遠因之內火燒是非過  
別夢時節慘驚颺未至誰能賦中乾欲病瘠屢曾  
紆錦繡勉欲報瓊瑤我恐霜侵鬢君先綬挂腰甘  
心與陳阮揮手謝松喬錦里差隣接雲臺閉寂寥  
一川虛月鬼萬崦自芝苗瘴雨瀧間急離魂峽外  
銷非關無燭夜其奈落花朝幾處逢鳴珮何筵不  
翠翹蠻僮騎象舞江市賣蛟綃南詔知非敵西山亦  
屢驕勿貪佳麗地不為聖明朝少減東城飲時看  
壯斗杓莫因乖別久逐逐歲寒凋盛幕開高宴將

軍問故寮為言公王季早日棄漁樵

今日二月不自量度輒以詩一首四十韻干

瀆尊嚴伏蒙仁恩俯賜披覽獎踰其實精  
溢於辭顧惟踈蕪曷用酬戴輒復五言四  
十韻詩一章獻上亦詩人咏嘆不足之義  
也

家擅無雙譽朝居第一功四時當首夏八節應條  
風滌濯臨清濟巉巖倚碧高鮑壺水皎潔王佩玉

丁東

摯虞決錄要注云漢末絕無王佩侍中王粲  
識舊佩始復作之今王佩受法於粲也故云

處劇張京兆通經戴侍中將星臨迥夜御月麗層  
穹下令銷秦盜高談破宋讐含霜太山竹拂霧嶧  
陽桐樂道乾知退當官蹇匪躬服箱青海馬入兆  
渭川熊固是符真宰徒勞讓化工鳳池春漱灑雞  
樹曉瞳隴願守三章約期嘗九譯通薰琴調大舜  
寶瑟和神農慷慨資元老周旋直狡童仲尼羞問  
陣魏絳喜和戎款<sub>上</sub>將除蠹<sub>上</sub>欲達聰所求因  
渭濁安肯與雷同物議將調鼎君恩忽賜弓開吳  
相上下全蜀占西東銳卒魚懸餌豪胥鳥在籠疲

民呼杜母隣國仰羊公置驛推東道安禪合壯宗  
嘉賓增重價上士悟真空扇舉遮王導樽開見孔  
融烟飛愁舞罷塵定惜歌終岸柳兼池綠園花映  
燭紅未曾周顛醉轉覺季心恭繫滯喧人望便蕃  
屬聖衷天書何日降庭燎幾時烘早歲垂投刺今  
晨幸發蒙遠途哀跛鼈薄藝獎雕蟲故事曾尊隗  
前脩有薦雄終須煩刻畫聊擬更磨礪蠻嶺晴留  
雪巴江晚帶楓營巢怜越燕裂帛待燕鴻自苦誠  
先蘗長飄不後蓬容華雖少健思緒即悲翁感激

淮山館優游碣石宮待公三入相丕祚始無窮

五言述德抒情詩一首四十韻獻上杜七兄

僕射相公

帝作黃金闕僊開白玉京有人扶太極維岳降元  
精耿賈官勲大荀陳地望清旂常懸祖德甲令著  
嘉聲經出宣尼壁書留晏子楹武鄉傳陣法踐土  
主文盟自昔流王澤由來仗國禎九河分合沓一  
柱忽崢嶸得主勞三顧驚人肯再鳴碧虛天共轉  
黃道日同行後飲曹參酒先和傳說蓋即時賢路

開此夜泰階平願保無疆福將圖不朽名率身期  
濟世叩額慮興兵感念嶠苑露咨嗟趙卒坑儻今  
安隱恐何以贊貞明惡草雖當路寒松實挺生人  
言真可畏公意本無爭故事留臺閣前驅且旆旌  
芙蓉王儉府楊柳亞夫營清瘦頻踈俗高談屢析  
醒過庭多令子乞墜有名甥南詔應聞命西山莫  
敢驚寄辭收的博端坐掃攬槍雅宴初無倦長歌  
底有情檻危春水暖樓迥雲峯晴移席牽緇蔓廻  
橈撲絳英誰知杜武庫只見謝宣城有客趨高義



李集 卷十一 三  
于今滯下卿登門慙後至置驛恐虛迎自是依劉  
表安能比老彭雕龍心已切畫虎意何成豈省曾  
黔突徒勞不倚衡乘時爭巧宦占象合艱貞廢忘  
淹中學遲迴谷口耕悼傷潘岳重樹立馬遷輕隴  
鳥悲丹甯湘蘭怨紫莖歸期過舊歲旅夢繞殘更  
弱植叨華族哀門倚外兄欲陳勞者曲未唱淚先  
橫

夜思

銀箭耿寒漏金缸凝夜光綵鸞空自舞別燕不相  
將寄恨一尺素含情雙玉璫會前猶月在去後始  
宵長往事經春物前期託報章永令虛案枕長不  
掩蘭房覺動迎猜影疑來浪認香鶴應聞露警蜂  
亦為花忙古有陽臺夢今多下蔡倡何為薄冰雪  
消瘦滯非鄉

寓懷

綵鸞食顛氣威鳳食卿雲長養三清境追隨五帝  
君烟波遺汲汲矰繳任云云下界圍黃道前程合  
紫氛金書唯是見玉管不勝聞草為迴生種香綠

却死薰海明三島見天迥九江分  
塞樹無勞援神禾豈用耘闢龍風  
結陣惱鶴露成文漢嶺霜何早  
秦宮月易曛星機拋密緒月杵散  
靈芬陽鳥西南下相思不及群

木蘭

二月二十二木蘭開拆初初當新  
病酒復自久離居愁絕更傾國  
驚新聞遠書紫綵何日鄣油壁  
幾時車弄粉知傷重調紅或有  
餘波浪空映襪烟態不勝裾桂  
嶺含芳遠蓮塘屬意踈瑤姬與  
神女長

